

VERSIÓN 08082022

## BAREMOS PROCESOS SELECTIVOS DERIVADOS DA LEI 20/2021

### Concurso – Oposición

A fase de oposición será o 60% da puntuación total.

Constará de exercicios preferentemente tipo test, a súa puntuación máxima será de 60 puntos.

Nos subgrupos C1, C2 e na AP haberá un único exercicio. Sen prexuízo da proba (agudeza visual etc.) das escalas ou categorías que esixen determinadas condicións físicas para o desempeño do posto de traballo.

Aquelas persoas aspirantes que non acrediten a posesión da titulación acreditativa do coñecemento da lingua galega deberán realizar un exercicio eliminatorio tipo test, que será cualificado como apto ou non apto.

A fase de concurso será o 40% da puntuación total.

A data de referencia dos méritos será a data da entrada en vigor da Lei 20/2021, do 28 de decembro.

Os méritos irán referidos ao órgano convocante, a Dirección Xeral da Función convocará os procesos selectivos incluídos no 45.a da Lofaxga , cando se trate de prazas de persoal funcionario ou de persoal laboral incluído no ámbito de aplicación do V Convenio colectivo único da Xunta de Galicia, polo tanto inclúe:

- Administración Xeral
- Consorcio Galego de Servizos de Igualdade e Benestar
- Axencia Galega da Industria Forestal
- Agacal
- Axencia Galega de Emerxencias
- Intecmar
- Instituto Galego do Consumo e da Competencia
- Instituto de Estudos do Territorio

Non se convocarán pola Dirección Xeral da Función Pública por non cumprir o disposto anteriormente os seguintes:



- Axencia Galega de Innovación
- Agader
- Axencia de Turismo de Galicia
- Axencia para a Calidade do Sist. Universitario de Galicia
- EPOSH
- SEAGA
- Galaria
- Fundación Centro Tecnolóxico da Carne
- Fundación CETMAR
- Fundación CESGA
- Centro de extensión e divulgación ambiental de Galicia
- Fundación Cidade da Cultura de Galicia
- Fundación Pública Galega de Medicina xenómica
- Fundación Galicia Europa
- Fundación Feiras e Exposicións de Lugo
- Fundación Instituto Feiral da Coruña
- Fundación Feiras e Congresos da Estrada
- Funga
- Xenética Fontao, S.A.
- Retegal, S.A.
- Portos de Galicia
- Igape
- Inega
- Galicia Calidade, S.A.
- Sogama, S.A.
- Xestur, S.A.
- Consello Económico e Social

Os méritos se cualificarán de acordo co seguinte baremo:

1. Méritos profesionais: Ata un máximo de **35 puntos**

a) Por servizos prestados na Administración Xeral da Xunta de Galicia ou no sector público da Xunta de Galicia ou noutras Administracións Autonómicas ou outros sectores públicos autonómicos na **propia escala ou categoría profesional da convocatoria ou en escala ou categoría profesional equivalente nos termos establecidos na convocatoria, 0,30 puntos por mes ata un máximo de 35 puntos.**

b) Por servizos prestados en calquera outra administración pública diferente das anteriores na **propia escala ou categoría profesional ou en escala ou categoría profesional equivalente nos termos establecidos na convocatoria, 0,15 puntos por mes ata un máximo de 35 puntos.**

**Os servizos prestados na mesma escala ou categoría profesional ou en escala ou categoría**

profesional equivalente na Administración Xeral da Xunta de Galicia ou no sector público autonómico da Xunta de Galicia recibirán unha puntuación adicional resultante de aplicar un multiplicador de 1,5 puntos.

2. Outros méritos: ata un máximo de **5 puntos** a obter entre os seguintes:
  - a) Cursos de formación: Valoraranse os cursos de formación organizados e impartidos directamente pola Escola Galega de Administración Pública (EGAP), a Academia Galega de Seguridade Pública, a Escola Galega de Administración Sanitaria (FEGAS), a Axencia Galega de Coñecemento en Saúde (ACIS), o Instituto Nacional de Administración Pública (INAP), e as escolas oficiais de formación similares do Estado e das restantes comunidades autónomas, e os cursos impartidos no marco do Acordo de formación para o emprego das administracións públicas (Afedap), cursos impartidos por unha Consellería da Xunta de Galicia, cursos impartidos polo Consorcio Galego de Servizos de Igualdade e Benestar ou outros entes instrumentais convocantes do proceso selectivo, e cursos impartidos por Universidades. Para cada curso de duración igual ou superior a 8 horas lectivas, valorarase con 0,020 puntos cada hora de formación, ata un máximo de 1,5 puntos por curso. A puntuación máxima deste apartado será **3,5 puntos. (175 horas de formación)**
  - b) Galego: coñecemento da lingua galega de nivel superior ao establecido como requisito de acceso ata un máximo de **1 punto**.  
Celga 3 ou equivalente: **0,25 puntos**.  
Celga 4 ou equivalente: **0,5 puntos**.  
Curso de nivel medio de linguaxe administrativa galega, curso de nivel medio de linguaxe administrativa local galega, curso de linguaxe xurídica galega, ciclo superior dos estudos de galego das escolas oficiais de idiomas ou Celga 5: **0,75 puntos**.  
Curso de nivel superior de linguaxe administrativa galega ou curso de nivel superior de linguaxe xurídica galega: **1 punto**.  
En caso de acreditar máis dun grao de coñecemento do galego, só se computará o superior.
  - c) Outorgaranse 0,01 puntos por mes a aquelas persoas aspirantes que estean gozando ou gozasen antes do remate do prazo de presentación de solicitudes dunha excedencia por coidado de fillos/as ou familiares; ou de permiso de lactación; ou de permiso por parto; ou de permiso por adopción, garda con fins de adopción ou acollemento; ou de permiso do proxenitor diferente da nai biolóxica por nacemento, acollemento, adopción ou garda con fins de adopción dun fillo ou filla. Esta circunstancia de ser o participante persoal da Administración da Xunta de Galicia incluído no ámbito de competencias da Dirección Xeral da Función Pública, apreciarase de oficio. A puntuación por este apartado non poderá superar os **0,5 puntos**.

## Concurso

O proceso selectivo será o concurso.



A valoración dos méritos terá unha puntuación máxima de 100 puntos.

Aquelas persoas que non acrediten o nivel de coñecemento da lingua galega requirido para o acceso á escala ou categoría profesional deberá realizar un exercicio eliminatorio tipo test, que será cualificada como apto ou non apto. A dita proba será previa ao inicio da baremación dos méritos.

Deberán superar as probas que correspondan para acreditar as condicións físicas esixidas para o desempeño do posto de traballo (por exemplo proba de agudeza visual).

A data de referencia dos méritos será a data da entrada en vigor da Lei 20/2021, do 28 de decembro.

Aquelas persoas aspirantes na súa solicitude cumprimentaran un impreso de autoavaliación, indicando os méritos que consideren avaliábeis, de modo que o sistema de inscrición no proceso outorgará automaticamente unha puntuación inicial resultante do cómputo dos referidos méritos. En función do número de prazas convocadas e as puntuacións obtidas na avaliación inicial, avaliaranse nun primeiro momento unicamente aquelas solicitudes que dada a súa puntuación sexan susceptibles de obter unha das prazas en aras de axilizar o proceso.

A estes efectos considerase que o número mínimo de solicitudes a avaliar será do dobre das prazas convocadas.

**Respecto aos procesos a convocar pola Dirección Xeral da Función Pública ou non, remitímonos ao disposto no concurso – oposición.**

**Os méritos irán referidos ao órgano convocante. Sinalar que naqueles entes instrumentais onde non se poda valorar os méritos das letras c) e d) por non ter realizado procesos selectivos ou non existir listas de contratación temporal, a puntuación asignarase ao apartado de formación, podendo establecerse un apartado de formación específica, donde se valorará formación específica das tarefas dos postos convocados.**

Os méritos cualificaranse do seguinte xeito:

**1. Méritos profesionais: Ata un máximo de 70 puntos.**

**a) Por servizos prestados na Administración Xeral da Xunta de Galicia ou no sector público da Xunta de Galicia ou noutras Administracións Autonómicas ou outros sectores públicos autonómicos na propia escala ou categoría profesional ou en escala ou categoría profesional equivalente nos termos establecidos na convocatoria, 0,30 puntos por mes ata un máximo de 70 puntos.**

**b) Por servizos prestados en calquera outra administración pública diferente das anteriores na propia escala ou categoría profesional ou en escala ou categoría profesional equivalente nos termos establecidos na convocatoria, 0,15 puntos por mes ata un máximo de 70 puntos.**

Os servizos prestados na mesma escala ou categoría profesional ou en escala ou categoría profesional equivalente na Administración Xeral da Xunta de Galicia ou no sector público autonómico da Xunta de Galicia recibirán unha puntuación adicional resultante de aplicar un multiplicador de 1,5 puntos.

## 2. Outros méritos: Ata un máximo de **30 puntos**

- a) Cursos de formación: Valoraranse os cursos de formación organizados e impartidos directamente pola Escola Galega de Administración Pública (EGAP), a Academia Galega de Seguridade Pública, a Escola Galega de Administración Sanitaria (FEGAS), a Axencia Galega de Coñecemento en Saúde (ACIS), o Instituto Nacional de Administración Pública (INAP), e as escolas oficiais de formación similares do Estado e das restantes comunidades autónomas, e os cursos impartidos no marco do Acordo de formación para o emprego das administracións públicas (Afedap); cursos impartidos por unha Consellería da Xunta de Galicia; cursos impartidos polo Consorcio Galego de Servizos de Igualdade e Benestar ou outros entes instrumentais convocantes do proceso selectivo, e cursos impartidos por Universidades. Para cada curso de duración igual ou superior a 8 horas lectivas, valorarase con 0,035 puntos cada hora de formación, ata un máximo de 1,5 puntos por curso. A puntuación máxima deste apartado será **10 puntos. (285 horas de formación)**
- b) Galego: coñecemento da lingua galega de nivel superior ao establecido como requisito de acceso ata un máximo de **5 puntos**.
  - Celga 3 ou equivalente: 2 puntos
  - Celga 4 ou equivalente: 3 puntos
  - Curso de nivel medio de linguaxe administrativa galega, curso de nivel medio de linguaxe administrativa local galega, curso de linguaxe xurídica galega, ciclo superior dos estudos de galego das escolas oficiais de idiomas ou Celga 5: 4 puntos
  - Curso de nivel superior de linguaxe administrativa galega ou curso de nivel superior de linguaxe xurídica galega: 5 puntos.En caso de acreditar máis dun grao de coñecemento do galego, só se computará o superior.
- c) Pola superación de exercicios ou probas de procesos selectivos finalizados nesta Administración en convocatorias para o acceso á mesma escala ou categoría profesional ata un **máximo de 10 puntos, 5 puntos** por exercicio ou proba superada.
- d) Por estar inscrito nas listas de contratación temporal elaboradas ao abeiro Decreto 217/2003, do 11 de abril ou do Decreto 37/2006, do 2 de marzo ou das listas do Consorcio Galego de Servizos de Igualdade e Benestar ou de calquera outra lista de contratación temporal da entidade ou da Administración contratante e ter prestado servizos ao abeiro das mesmas na escala ou categoría profesional: **4,5 puntos**.
- e) Outorgaranse 0,01 puntos por mes a aquelas persoas aspirantes que estean gozando ou gozasen antes do remate do prazo de presentación de solicitudes dunha excedencia por coidado de fillos/as ou familiares; ou de permiso de lactación; ou de permiso por parto; ou de

permiso por adopción, garda con fins de adopción ou acollemento; ou de permiso do proxenitor diferente da nai biolóxica por nacemento, acollemento, adopción ou garda con fins de adopción dun fillo ou filla. Esta circunstancia de ser o participante persoal da Administración da Xunta de Galicia incluído no ámbito de competencias da Dirección Xeral da Función Pública, apreciarase de oficio. A puntuación por este apartado non poderá superar os **0,5 puntos**.

**Criterios de desempate:**

- 1º.- En caso de infrarrepresentación do sexo feminino, o empate resolverase a prol da muller.
- 2º.- Pola maior antigüidade de servizos prestados no **órgano convocante** na escala ou categoría profesional que se convoque.
- 3º.- **Pola maior idade da persoa aspirante.**

Adoptaranse as medidas necesarias para acadar a maior axilidade e simplificación das probas da fase de oposición e a articulación destes procesos selectivos que, en todo caso garantirá o cumprimento dos principios de libre concorrencia, igualdade, mérito, capacidade e publicidade.